

原本挖改為卷十五

聖宋名賢五百家播芳大全文粹卷八

賀啓  
師保  
賀文太師啓

李成季

光膺策命入拜師臣三公惟人大厦有棟梁之任一  
相處內四方如泰華之安天扶聖君人望元老歡樂  
精神之會流通上下之情禮無與隆時所罕遇恭惟  
某官孕靈岳嶽秀配德輶坤元器深厚而有容道直方  
而不撓武足以戡定亂略文足以潤色聖謨可託大  
事則社稷之臣不親細務則帝王之佐進人如己愛  
物以情碩畫嘉謨撫寧於華夏陰功隱惠孚感於神

明故能業亮四朝身兼五福出入將相幾四十年古  
今勲勞無一二輩屬真人之嗣服攬庶事以圖新謂  
國軍禁令有未決之疑左右輔弼皆後來之後俾辭  
典鑰入造內朝集冠蓋於都門羅饗殮於候館袞衣  
已往難留洛水之舊邦皓首復來共識仁皇之真相  
龍光疊被衢路榮觀於今熙河之餽餉甚艱遼夏之  
疆隅未復不足者九年之食已傷者百姓之財將冗  
而卒驕吏繁而員溢永賴蒼龜之舊德克開社稷之  
遠圖俯陪調鼎之司獨踐位槐之地壽考之美方邁  
德於汾陽禮樂之功更仰成於姪旦某素惟鄙昧久  
荷獎提台座熒煌悵披雲之在望駑蹏疲曳但服駕  
以長鳴

賀蔡太師啓

翟公巽

伏觀詔制正月一日天慶殿朝賀受傳國八寶太尉  
冊拜太師者仰止三朝之老蔚為萬乘之師裂以山  
川世昨之封崇以鈇鉞專征之器貴窮人爵克享天  
心古者天子有七人之爭臣太師首三公而論道所  
以儀刑海內輔導帝躬嚴朝廷則爵為達尊事德義  
則貴有所屈成湯先學於伊尹有所不召之臣穆公  
無人乎子思不能安長者之側有來命世之哲以起

非常之功恭惟太師道濟彌綸文能經緯非予覺之  
誰也豈曰友之云乎王曰嗚呼父師作祇命周公之  
冊餘惟克邁乃訓繼舊學甘盤之賢極名器則禮敬  
益隆咨典刑則老成為重就訪大事必先惇史之乞  
言俾乘安車參用黃門之設几底於五典論厥九疇  
以鎮定如巖石之瞻以博厚若阿衡之倚一國之巨  
室所慕為政不難天下之大老來歸其子焉往用能  
制作禮樂頒度量於明堂寅亮聖明受泰元之神策  
肇稱寶玉於赫稜容然而無競維人惟德其物昔有  
倚相能導訓典晉大夫失問於白珩善理兵戎  
秦使者改觀於和璧不見君子將焉取斯洪惟熙洽  
盛治之聖朝相以瑰瑋光明之人傑光於史冊配君  
陳畢命之書載之聲詩詠崧高蒸民之雅

賀劉太師啓

石敏若

帝制坦明誕布外朝之聽師垣峻極有嚴上宰之班  
極名數以稱格天之功隆體貌以示尊賢之等名實  
之加四達爵祿之報兩崇成命式孚有生昏慶伏以  
神文廣運若畢陶則見而知之聖武布昭舉伊尹不  
仁者遠矣允若君臣之同德能致帝王之極功自古  
已然於今為盛恭惟某官才貫三極智周萬微每見

之於未形常行其所無事道合聖賢之用舍身係社稷之安危天眷有邦畀斯民之嘉靖帝選於衆越諸老以登賢作興於一時之間超越越於千載之上治成德備而百度理施博制廣而四夷賓質之於詩書而有稽告於神明而無愧嗣奉緝熙之典丕承燕翼之休協三代受命之符厚其戩穀作八瑞鎮邦之寶登以端元方深澤之均行豈鼎司之可後肆頒顯冊承顓師言位著有光諧師臣之步武陞廉加峻壯王國之奠安伏念某結約無奇間闕少子病樗何用亦參萬國之春敝帚自珍孰辨千金之享倘未亡於簪履屨終有賴於錘鑪鑪履無階但想鷹揚之表飾辭有腆仰伸燕賀之儀

賀文太師啓

宋文淵

重膺顯冊榮拜上公委軍國之深機奪邱園之至樂中外胥慶神人以和矧衣被於恩涵豈雷同於至樂伏惟 紫官直方而大含洪而光學為王者之師身任當世之重出秉麾鉞入掌鈞衡堅一德而無二心彌四世而歷三紀草木魚鱉以之而成若陰陽天地以之而泰通功成不居身退自遂於遊得無疑之利於漸為可用之儀方大人之繼明思厚德以載物還

以論道屬之經邦以鎮安華夷之情以負荷廟朝之  
寄雖二帝上庠西序三王左學東膠方漢事桓榮之  
尊魏優王祥之養姑記善於愾史或乞言於暇時莫  
如進退之間獨係安危之大昔望吾君如舜翻然起  
莘今欲天下一周老而歸魯當簡策難傳之事業有  
丹青莫狀之輝光某夙範陶鈞生全卯翼孤投塞壘  
遠總兵戎備斯役於無由望台光而展餘神馳心結  
意在言殫

賀秦少保啓

汪彥章

伏願明詔登用大儒疏榮三少之班正位百官之上

生成所及鼓舞斯同恭以某官言合六經學包萬古由  
周公傳之孔子獨承師友之淵源惟尹躬登於成湯  
適應君臣之期會久借本兵之重多輸納誨之忠方  
功名未究於經綸舉中外皆形之歎息蓋文物於斯  
為盛欲平治舍公其誰故除書甫降於九天而和氣  
遂充於四海某早蒙知獎被使令逢恩寵之鼎新預  
生靈之鈞播雖官聯在遠莫能陪多士之班然謠俗  
至公當播採作蒸民之雅

賀秦少保啓

鄭毅夫

玉檢告成載篤中興之緒麻綸敷旨茂昭夾輔之勳

掛方寸

祇服寵靈亟躋寅亮臚傳所暨公議攸歸恭惟少保大觀  
文吾道宗工斯文先覺規模國器事業相門吐論皆  
前輩之風流落筆非後來之氣格飛英騰茂決科獨  
步於一時盡忠竭嘉致身橫飛於兩地贊廟謨而底  
定纂聖德以承休惟昔彝儀禮素隆於列辟矧時異數  
位宜進於貳公未盡疇庸更陪衍賦某自惟朽鈍素  
出甄陶盛事會逢尚沮南州之小壘喜懷增劇莫隨  
東閣之後塵展慶無從馳情惟切  
宰相左相  
賀韓丞相啓  
唐子西

顯奉制麻延登宰席播騰九有歡慶一辭竊聞考元  
龜以斷人謀不如舊德指喬木而稱故國未若世臣  
才猷夙著於廟堂名實已隆於天下故社稷因之而  
倚重而朝廷恃此以稽疑恭惟某官器重海涵精神清  
玉粹天資攸稟有仁民愛物之心家學所傳皆論道  
經邦之術藹揚令聞坦涉亨途頃任樞躔謀已深於  
漢帳出臨閫寄澤未溥於商霖政地久虛僉言允屬  
值聖朝之嗣服思輔相以迓衡全召還三遷遂宅百揆  
章平盛事固無愧於古人房杜全成功誠責全於今日  
必將盡發胸中之蘊庶幾大慰海內之心某承乏遐  
陬側聞除目阻遠潭潭之府莫趨兩兩之階叢抃寸

誠難形尺牘

賀左丞相啓

李成季

拜命大庭分聯左揆天人相與君相並興千載一時  
永契太平之會四方萬里共蒙生氣之和竊以舜帝  
舉皋陶而竄不仁高宗命傳說以求古訓因先王而  
為政為天下以得人竦佩遺風復見今日顧安危之  
所繫宜上下之稱歡恭惟某官名世真儒生民先覺  
稟三才之氣思則無邪以四海為心達則兼善智大  
必先於遠致行高而不可以小知未嘗枉己以直人豈  
憚屈身而伸道三解不聽漠無干澤之私萬鍾何加

惟有養恬之樂屬大明之紹服講庶政以圖新急聞  
至言優禮元老以公議而自處為衆人之不能匹夫  
未安深軫納溝之念至誠獨立靡懷濡足之憂故進賢  
退惡而多士歸心興利去害而庶民不議果膺睿渥  
參秉鈞衡飛鴻之遇順風已如夙志大旱而作霖雨  
咸賴我公益萬世之永安尚一人之有慶某猥叨憐過  
倍切懽愉限守州符阻造台驛

賀趙丞相啓

張全真

伏審決定大策建中興不拔之基寔賞元勳正上宰  
久虛之位王廷孚號海寓久懽竊以赤鳥袞衣美征

東征之姬旦命圭相印答平蔡之裴公播在聲詩光  
 於簡冊況御憑陵之巨敵有開恢復之宏規示丕勸  
 於羣工宜首膺於異數恭惟某官直方而能守敦大  
 而有容獻納論思夙著排姦之節贊襄輔弼尤高經  
 遠之謀惟先武能推赤心而絳侯可屬大事會羽書  
 之遽至奉革輅以徂征師律一新坐據江山之險捷  
 書屢上幾成京觀之封致醜類之宵奔本嘉猷之長  
 告射雕賈勇雖多殊無李廣之無雙指獸收功誰出蕭何  
 之第一宜頒宸綽首冠台躔舍爵之賞既行歸疆之  
 朞可待某逖聞誕告喜越常情昔忝同升謬託金蘭

之契老思自放願諧邱壑之求頌詠之私敷宣昌既

賀湯丞相啓

熊子復

伏審褒異真儒躡登元宰熙帝之載早並列於秦階秉  
 國之鈞首進顯於魁柄經綸雖久潤澤維新恭惟平  
 章僕射相公毓粹昭回儲精峻極翔蛟龍躍虎鳳炳  
 焉華國之辭閉雷霆藏風雨雲渾然經世之度冠殊科  
 而挺出歷要路以橫飛勢不倚于冰山望自隆於岩  
 石絳灌雖毀不能使文帝之疑禹山既除宜首用弱  
 翁之相粵從區莞躡正冢司彌縫萬機粉澤百度勒  
 成曠典述丕顯之文謨結好殊鄰示允懷之漢德崇



儉以省國用惟公以收人才果疇專美之功遂涉久  
虛之位身榮上衮心協前旒昔神文享國之長翳宰  
相得人之盛然天聖之修真錄乃王文穆之持綱而  
慶歷之申遼盟乃呂文靖之當軸節冗費則賈魏公  
首建其議抑親黨則章郇公自守其謀雖舜帝之有  
五臣足誇當世然周公之施四事并掩前人宜乎史  
臣殫簡牘而屢書文士極翰墨而交頌况萬世遇大  
聖方垂拱而仰成於一代為宗臣每彌縫而藏用浩  
若元氣運於太虛人莫測其端倪物陰被其膏澤某  
早窺宗匠遠托洪鈞名則甚微半世選舉而始得學  
雖不輟過時之苦而難成倘蒙造物之憐獲免抗塵  
之賤則專具筆札盡心力於斯文率作歌詩尚形容  
於今日

賀蔣丞相啓

洪景伯

伏審還位中階進居首鉉簡在上帝夙膺柄用之專  
圖任舊人起副具瞻之切郵傳四出廟算一新竊以  
舜以不得臯陶慮萬機之或壅湯則有若伊尹諒一  
德之相依唯其實係安危於身故去猶失左右之手  
本朝為盛前輩可稽趙韓王奪服於建隆之間式遵  
古誼富鄭公牢辭於嘉祐之後第鬱師虞蓋遭變事

相恭惟

者務度其宜而為忠臣者在移其孝恭惟平章僕射  
相公著龜先覺柱石壯猷應變成務而挺有祖風同  
寅協恭而甚稱上帝意如丙吉之按邊瓊亦預料條若崔  
相之除吏員更公薦舉方任秉鈞之重遽罹涉此之  
艱位雖去於巖廊眷益深於黼辰肆舉奪情之典益  
疇佐命之勲家事雖勤詎可辭於國事人心既悅宜  
遂格於天心豈但復於中臺仍更陞於上衮况十事  
悅說天子已前定於規模則一代為宗臣庶永扶於基  
業某猥廁九卿之列忝居百職之間宣制於庭共儒  
紳之相慶立班於路迎相袞之來歸敢再叩於崇墉

輒自通於竿牘攘振弱植方依仙宇之摩空纏綿輕  
帆或助神舟之濟海

賀劉丞相啓

劉夷叔

榮膺策命進掌綸衡十行傳於置郵四海為之歌頌竊以  
爰立之任從古所難宣帝中興之功惟丙與魏明皇  
勵精之治非宋則姚吉流於懦而相失之嚴崇溺於  
權而璟窘於用績雖茂美績誠非全才故明皇愧於守  
成而宣帝甘於雜伯致君同堯舜之盛接步繼臯夔  
之賢治本得人朝廷增重恭惟某官忠勤許國康濟  
乘時溯流遊於道德之淵源潤色以詩書之華藻主上

相

撫艱難之運受重寄於祖宗大臣用康濟之資報異  
恩於君父屬雅而素定注上意以仰成天地鬼神  
其心鳥獸草木均其賜某受知最厚念咎方深暗端  
揆之得賢喜宗祧之蒙福夙興夜寐敢忘庇覆之恩  
飲水曲肱與享太平之福

賀左丞相啓

何子由

伏審誕告帝庭崇登宰席君臣一道夷夏均休恭以  
某官天擁英才人資先覺神明意用足以官使有造  
之俊髦談笑發揮足以酬酢無形之事變參元豐之  
法從冠紹聖之詞林道德文章一世宗匠言議風采

四方表儀出處係天下之重輕卷舒為君子之消長  
起從琳館服在巖廊夷考嘉猷峻躋揆路蓋聖賢之  
相得若旦暮之可期豈思歲月之功始協雲龍之會  
故有虞選衆必屬臯陶而湯后格天寶資伊尹觀神  
考所以遺公於今日之志與執事所以致忠於本朝  
之心方且振起頽綱葺完舊典大備一王之制作追  
遷三代之規模必使壤植散羣紹閔休於先烈豈徒  
興滯補弊收近效於當年遂格元勳益隆昌運是為  
天意豈獨人謀所以神感淵衷潛發文王之夢帝思  
碩德式迎公旦之歸事映古今道光簡策某詩書淺

學口耳近功埽舍人之門未塞依歸之願望平津之館空馳風夜之心驩抃發中情誠並竭

賀左丞相啓

孫仲益

大庭作命揆路陞華鼎鉉不移首冠九官之右台符增煥益隆四海之瞻某聞解琴瑟之絃所以正五音調鼎鼎之實所以齊衆口蓋習治久安之弊而翫歲愒日之多蟻穿弗填有潰堤抉石之憂蔓草不圖為錯節盤根之患悼折肱之已誤顧反掌而奚難戒覆車之轍則安焉易敗者之兵則勝矣恭惟僕射相公受天大任為國元臣屬當亡旰食之初承前人覆鍊之

後鍊五色之石而欲試補天之手儲萬金之藥而共推醫國之功剔除邦蠹而復睹清明救療民瘼而一消疲瘵丕冒惟新之化獨高再造之勲書郭中令之考而與國均休享衛武公之年而與民偕樂頌言如此輿論所同某枯朽陳人伶俜末路久託林居之陋側聞廷煥之傳倍深喜躍之情竇謂知憐之素惟宰路播洪鈞之大每懷藜藿下採之恩而神仙隔弱水之遙詎<sup>復</sup>失雞犬同升之望

賀葉丞相啓

熊子復

伏審宸衷圖舊廟算倚平大老適歸方總機廷之重

真儒柄用首躋鉉席之崇朝野具瞻華戎成賴竊以  
 舉直而錯枉舜湯所以君萬邦舍藏而用刑行孔顏  
 所以師百世既聖主察流言之害宜元臣當注意之  
 隆破斧而缺錡牋詎損周公之德濟川而作舟楫迄  
 資傳說之功恭惟平章僕射相公任重降天才高命  
 世早膺親簡徧歷從途封駁無私事必參於典故銓  
 擬功有序時更歷於章程建進貳於彌綸果深裨於綜  
 核位高衆忌日月無得而踰道直自將風雨不改其  
 度凡鳥暫聞於去國介圭復見於來朝張良運籌已  
 獨優於三傑魏相總職宜首贊於萬機豈特輔重華

協帝之勳正當究上策禦戎之備苟政刑修於明閒暇有  
 要百倫則道德成乎安強無侮無拂遠追景德祥符  
 之烈近述熙寧元豐之暮某早出門牆叨居省戶路  
 車乘馬方瞻入覲之容衮衣繡裳亟聽登庸之典既  
 班庭而旅慶猥贅牘以寓誠廣廈萬間已幸幷幪之  
 庇洪鈞一氣尚希埒北之陶

賀趙丞相啓

毛穎伯

光奉制書進登揆席得力救而先五帝克贊皇猷命  
 傳說而總百官大凝頌臣績重書誕告輿從交歡竊以  
 炎運中微厄會偶丁於百六洪圖未艾咸登方繼於

非我力也

五三將隆再造之勳必賴非常之佐帝思俾父大極  
橫流民具爾瞻仰高巖石倘非過人之英傑孰隆不  
世之功名而況戎狄貪憚既稔豺狼之惡師兵簡練  
久韜熊虎之威宜獨制於中權用克清於大憝師直  
為壯莫高孤偃之謀唯斷乃成實繫裝度之用擡兩  
朝之宿憤折萬里之遐衝讀命彤庭始僉同於九列  
申威紫塞遂震疊於四夷大哉聖謨恢此賢業恭惟  
某官智周天縱學貫民彝體君子之中庸蹈賢人之  
久大敦詩書而悅禮樂綽有成謀定社稷而安國家  
自其素蘊凜乎天下之模楷蔚為朝廷之羽儀薦更

二府之榮獨任四方之責撥亂世反之正微斯人誰  
與歸簡在帝心授以魁柄運動樞極法太微三光之  
庭振理網維清文昌萬化之本式是百辟格於皇天  
錫匪以告文人召伯獻萬年之頌受彤弓而揚休  
命晉侯陳三錫觀之儀勳德兼隆古今莫二某孱陋  
質樸邀散材金馬石渠嘗筵行朝之表著銅魚竹使  
自淪遠邇之簿書喜聞才館之開願備洪鑪之託塵  
頭鼠目難逃冰鑑之明馬勃牛溲或備藥籠之用

賀秦丞相啓

汪彥章

廷揚孳號國拜元台有道而守四夷方懋中興之業

好要而論一相宜須夾輔之勳天意會同人心闡澤  
 恭以某官運逢真主志在生民聚精神帷幄之中絕  
 體貌簪纓之上安危大計孰堪舉國而聽焉前後數  
 公方見得君之專者積三歲<sup>歲</sup>處中之望副九重虛左  
 之求魁柄不移袞衣增煥方且收威權於王室示風  
 采於敵人取河北一百餘州今其時矣書汾陽二十  
 四考行且見之某久託洪鈞欣聞顯冊屬拘縻於乘  
 障阻趨走於班庭歲籥將中廟堂多暇冀忘鼎茵之節  
 永為宗社之休

賀張丞相啓

晁之道

恭審渙號大廷晉陞良弼宸衷簡注見擢用之得人  
 國勢尊榮知治安之有日伏審<sup>惟</sup>慶慰竊以君臣相遇  
 古今至難玩歲愒日則必悔於噬臍趨事赴功則每  
 虞於掣肘故時君克斷裴度所以成功而朝議多違  
 羊祜亦<sup>知</sup>不如意自非天意悔禍人謀允臧則何能用大  
 度之言於以啓中興之運恭惟某官奇才命世妙略  
 濟時洗日咸池功素高於社稷捫參蜀道名已振於  
 蠻夷雖更夷險之殊不替終始之遇屬傳羽檄<sup>趨</sup>下  
 鋒車復正位於鈞衡乃<sup>仍</sup>撫師於疆場運籌帷幄而決  
 勝於千里致醜虜之宵奔端委廟堂而為準於百僚

副與人之夙望實惟圖舊何止策勳伊尹一德以享  
天心無間然矣漢高五載而成帝業尚竊遲之益堅  
帶礪之盟增煥鼎鍾之勒某辱知最久贊喜尤深閩  
海相從已熟哀殘之迹荆溪休老願諧退縮之心頌  
詠之私名言罔既

賀左丞相啓

何文鎮

伏審寵錫元勳誕敷明命顯躋峻秩超正上台凡在  
陶鈞舉同抃慰恭惟某官高明純亮博大淵通器周  
文武之宜道濟功名之會行其所學致身夔契之間  
迄用有成躋俗唐虞之上方且增煥玉承之烈發明  
垂裕之功廣學校以新人材睦宗枝以厚風俗大備  
一王之制永圖萬事之康分飭師干遠平蠻徼山川  
失其險阻冠帶被於遐荒文治既優武功復暢蓋裴  
度有平蔡之烈不能致治於太平魏相推佐漢之名  
尚愧弗通於征伐載惟成績獨掩前人某早以庸虛  
厚蒙眷獎方塵器使且造公門懽頌之誠敷宣罔  
既

賀魏丞相啓

孫仲益

伏審發冊疇庸揚庭布號懋佐王之學必有漢閣麒麟  
之勳開員弼之祥果應渭水熊羆之兆恭惟某官



摺券

受天大任躋世中興方當四十強仕之秋已展九萬垂天之羽恢遠大經邦之略極於四遐運沉深先物之幾妙於百中金甌獻卜芝檢疏榮於天下宰一新文昌萬化之源以人中傑迥出漢庭諸臣之右便從黑頭歷郭令中書之考直至黃髮給孔光靈壽之扶如某者老境蹉跎窮途栖屑墮井誰敢救而又下石焉餘燼寧復然猶有溺仄者卒賴造膝一言之重俾出填溝九殞之餘洪惟此恩何以論報側聆誕告尤激懼悚實副卿大夫百執之具瞻豈止愚不肖一夫之私喜

賀左丞相啓

邵公濟

伏審誕膺顯冊進秉鈞衡朝野流傳廟社增重恭惟某官勲庸載在王室道德格於皇天持海上之節來歸白首而典屬國起渭水之濱入輔黃髮而亮武王功蓋一時名著百世恥君不及堯舜茲茂著於嘉猷當饋恨無蕭曹遂無關於聖慮行見鞭笞四夷而禦侮庶幾振舉百度以仰成輿論所期斯言可必某侵辱暮齒託備藩維自愧無奇遂占陽城催科之考庶幾他日及見鄭公仁義之行

賀湯丞相啓

黃伯淵

顯被絲綸寵還機軸節彼重瞻於巖石炳然載仰於  
 台符禮絕百僚歡傳四極恭惟某官乾坤間氣社稷  
 元勳依兩朝日月之光慶千載雲龍之會坐鎮野俗  
 江左謂之風流名播遠夷天下繫乎輕重方當出力  
 圖於恢復豈巖廊久輟於經綸雖周人無以我公之  
 歸然謝傳當為蒼生而起以授機破敵固難測於謝  
 安而草詔指將獨決於德裕爰制難於千里之外  
 將信威於西湖之間虜以在夫目中治可運之掌上  
 某欽聞顯命喜溢卑悰益馳燕厦之誠緬想鳳池之  
 峻燮調多暇氣序寢清願精覆餼之調式副簪紳之

望

賀湯丞相啓

宋仲山

對敬宸冊登用冢司依兩朝日月之光華得千載風  
 雲之感會龜鼎增固朝野寢和恭惟僕射樞密相公  
 德格根天淵忠衛社稷翼存雷而出震霽霖雨以濟高  
 進膺虛左之求深聳處中之望蓋衮職有闕惟仲山  
 甫能補之若世事極談見管夷吾無憂矣故威名獨重  
 於他相而風采益勤於遠夷捐機柄而不移煥台躔  
 而愈耀用真儒無敵天下遂有若周公之功約諸  
 侯先入關中必能堅高祖之意中興可待遠業攸歸某

林豈塵

久託洪鈞欣聆顯命屬遠縻之使指仍阻綴於賀班  
九列無堪固難翹材之館三書欲上願將登光範之  
門拚躍之私敷陳罔既

賀張丞相啓

林豈塵

欽膺宸冊進陟台衡聳巖石而具四海之瞻秉洪鈞  
而為物萬之播平章雖舊渙汗惟新恭惟僕射都督  
相公道得正傳天降大任作傳野之霖以蘇厥旱洗  
虞淵之日而夾以飛方從鵷閣以重登詎許鳳池之  
久奪風操可記想不忘嘉正之名沉厚有謀蓋惟恐  
東之老况闕中賴蕭何而鎮撫於天下繫裴度之重

輕當乘君子大有為之時能辨羣臣不可及之事歷  
中書二十四考其在於今復兩河三百餘州可立而  
待某跋聆顯命喜集重衿以青天白日而知其清明  
惟春風夏雨而出於造化依炎州而羈迹望光範以  
馳情相印命珪雖阻桃林之賀雕戈錫盾願賡淮蔡  
之歌

賀陳丞相啓

洪景伯

伏審蔽自淵衷寵還魁柄胡人南下運籌思漢傑之  
才丞相西來奠枕慰周京之望敵情未戰而先阻師  
氣不<sup>作</sup>足而自強竊以大寒而索衣裘雖失禦戎之備

巨川而作舟楫豈無濟世之才圖是故雍熙河北交兵  
 而趙忠獻復踐於首台原定陝西用武而呂文靖再  
 登於元宰玩四夷猶兒戲爾迄底咸寧仰二公若神  
 人然詎令專美方醜類犯邊而孔棘況洪冢司虛位以  
 誰籌事有難至難類拯溺救焚之舉人惟求舊屬扶顛  
 持危之身才恭惟少保僕射相公一代真儒兩朝元老  
 臯陶盛德見堯舜而知之蕭何大功與閔散而爭矣如  
 非煙祥風而物被緣飾若青天白日而人知清明方  
 慈闈之倚平值逆亮之送死首顯廟算用堂上之奇  
 兵坐攻虜營起舟中之敵國建相重華而協帝慈將

衆美而効君具隆巖石之瞻勇遂急流之退大臣惟  
 郭令身獨繫乎安危外國於晉公使每詢其用否適  
 丁多故允賴壯猷詔札使軺繼催入覲命圭相袞仍  
 即外除遂荒東魯之封柝本西樞之柄方將駕馭諸  
 帥無飛揚跋扈之雄總領羣公有輔贊彌縫之用庶  
 幾復文武之境土豈但捷秦楚之甲兵某夙賴洪鈞  
 聳傳華渚巖廊揆策方圖開闢之勳清廟薦詩願竭  
 揄揚之思

賀左丞相啓

汪聖錫

伏審播告大廷晉登上宰峻班儀於左棘首揆路於

中臺四夷聳聞九鼎增重伏惟某官賢推名世道富  
經邦嶽降神而生申寶維周翰帝賚弼而得說用作  
商霖變故屢更精忠彌著埽除內亂高五龍夾日之  
勳攘却外虞成一馬渡江之業方輔寧於法駕將經  
略於神州貝錦遽興扁舟徑去屬分江而謀帥乃缺  
鉞以臨戎羽扇綸巾已坐清於妖祲命珪相印蓋疊  
賞於元功矧獨兼文武之資宜並注安危之意逮聞  
虛位果趣賜環非衣之謗何傷有袞之思咸屬顧乃  
心王室喜魁柄之重歸而戮力中原位皇家之再造  
天時有待物望攸同某滯迹一涯神馳數仞聆荆麻  
而相慶曾無瘴海之殊引賓履以交趣獨歎翹林之  
阻其如瞻頌莫盡名言

賀丞相啓

沈清臣

八年政府軍國之効昭然一日宰司天人之心允若  
維相有作繫時所尊雖上天不肯隱默以生成雖人  
主不敢急輕於付與適求既往率開厥先意令舉世  
以心知庶使居位而人服或反拔木之風以彰其任  
德之實或生同穎之禾而告以共政之符或肖形象  
而求巖穴之間或假卜筮而取以漁釣之內聳以甚  
神之迹壓夫至衆之情處臣鄰之極而天下莫敢望

焉得夷夏之悅而賢者然後安此至若興王之佐欲為經世之圖每致嚴於始進之時直有待於衆定而出處莘郊非三聘而莫起卧草廬至屢顧而後興居東山者甘蟠屈以俟其逢遇黃石者亦徘徊以觀其志可落落風雲之會寥寥歲月之傳謂言元首之股肱實係黎獻之耳目聽爾衆言之可否卜吾國勢之重輕宜茲授受之兩艱良恐信服之不易欽惟二月之廷制冊拜一朝之宰臣聖皇專御殿以致禮貌之殊宮禁亟授麻以揚功業之盛百辟肅恭而俯聽班行私語而說文忠萬姓踴躍以歡傳走卒齊聲而稱

司馬士子以主盟之有賴爭濡毫以草慶歷之歌詩裔夷以夙昔之所聞每遇使而問晉公之年紀是何普天之下洋洋而有喜色蓋由在位之久事事而合衆心自初睿主之隆興即仰真儒之特起一紀雍容於從橐歷年端委於廟堂二十六載之設施雖由聖斷千百萬言之啓沃孰若公多始以文章而發帝業之光中以鯁亮而主國論之是偉矣敢言之氣卓然難進之風規模已定於前時問望豈惟於今日追伊張葛謝之出處起大名於乾道之先奮臯陶禹稷之事功當重任於淳熙之後而况湛然之清識更尤超

摛勅文

爾於人羣視富貴以無心顧萬鍾何加於我堅持守  
之有道雖一介不取於人惟踐履行今世之甚難故  
敬畏非常<sup>之</sup>人可比孰不履地望隆獨重於泰山如彼  
觀天目覩唯尊於列宿以人心歸向而為輔弼以歲時  
積久而茂功名首開闢<sup>於</sup>始源力扶持於公道舉措  
動遵於成憲發揮皆自於聖謨三事徧更萬務畢舉  
頃參持於國柄辯章斷斷以惟平暨專領於使權績  
効昭昭而益著逆折胡酋之氣至令巢穴<sup>以</sup>遁逃盡  
清狂士之謀坐使邊陲之安靜世已行者皆久長之  
至計日深究者多致遠之良圖作礪之金愈煉而愈

精乘國之航愈操而愈固豐功塞乎天地之大貴名  
揭乎日月之高其効若斯不相何待彼昔賢厥初而  
欲行己志故多遲疑於向背之間惟我公已試而深  
得衆情宜茲鼓舞於除拜之日天心克享無煩影響  
以示人君意式乎不假勤渠而詔下於皇盛事盡掩  
前聞恭惟丞相佐時聖皇齊古碩輔求諸典籍居相  
位者不為無人究厥勳庸如門下者能有幾數唯宗  
社遺無疆之慶故皇家得不世之賢矧光前事業之居  
多而於今名位之克稱倬彼雲漢既忻滿月之瞻譬  
如北辰共快魁台之指咸顧得天而久照殆將與國

權勢大錄

以同休某夙被陶成今逢時至念納溝之失所恩已  
戴於言前倘在野以旁招願不移於人後

賀朱丞相啓

汪彥章

此下宋本挖改為表  
十六惟第一篇為陳安  
行知仁智知院除右丞  
相啓

宣布策書寵還魁柄昔周公未復頗遭四國之流言  
今裴令來歸當使兩河之聽命天下相慶朝廷益尊  
恭惟某官望絕縉紳勳書彝鼎學博而知要明古今  
治亂之原才全而不形得天地中和之氣昨屬羣凶  
之擾允資一相之謀禍泯胚胎變消肘腋蓋厥初同  
德惟尹躬之暨湯果於變成功安劉氏而必勃越從  
分使久輟贊元 帝憂堂陞之勢凌人恨衮衣之歸

晚方時多事疇協濟於蕭規宜我老成首光膺於說  
命再幹洪鈞之化一新巖石之瞻某早辱眷知欣聞  
登用屬拘擥於印紱阻趨拜於門牆歲律戒寒巖廊  
多暇冀謹寢饗之節永為宗社之休

賀朱丞相啓

鄭戴仲

聿膺大策進拜元台慶本朝之得人想中興之有日  
傳聞四海驩喜一新恭惟某官覺在民先行為世表  
罄忠嘉而許國懋勳業以格天大纛高牙暫寄九江  
之屏翰繡裳赤舄盪陶大化之鈞衡出入係皇國之  
重輕猷為寶蒼生之性命幹旋大柄熙然春天下之



秋某遊守恢復中原廓爾泰邦家之否行其素蘊副此具瞻  
猥猥群猥符阻趨台鼎屏永言欣頌實倍等倫

宋本無此篇

賀湯丞相啓

熊子復

伏審嗣皇圖舊真相秉鈞當食而歎蕭曹既倚宗臣  
之重制挺而捷秦楚何憂敵國之強休聲不約而皆同  
和氣非召而自至竊考本朝宰府之故事有若先  
正沂公之迭為天聖初來既踐昭文首台之位景祐  
再入乃屈集賢次輔之居雖官職之小殊而相業之  
益盛矧唯今日度越前人恭惟平章僕射相公驚代  
鍾才際天蘊識初心道德必期整頓於乾坤餘事文

章尚堪黼黻於河漢夙佐光堯之治復隆復古之勳  
中暫去於廟堂旋即歸於帷幄北伐張仲在矣內既  
委於居留東郊君陳往哉外更煩於綏撫適際飛龍  
之造亟興甘雨之思召自燕閒還居翊亮仲虺相湯  
為左昔正登庸召公主陝而西今同夾輔謀契沉幾  
之運益恢遠馭之圖任良將而邊境必安拒壬人而  
蠻夷自服用續經邦之業仍收闢國之勳某猥抗塵  
容邀瞻潭府簡書是畏自憐學術之荒撫楚或辭尚  
托化鈞之播

賀梁丞相啓

林豈慶

伏審渙號楓宸奮庸槐位惟龍首八十而五得黃裴  
衣鉢之傳今鳳歷二百有餘為清源桑梓之盛傾朝  
歌艷載路游揚本遠業之攸先實中興之所係竊以  
黃帝得六相各有使以為之治成周建三公不必備  
而惟其人我皇朝舊制則襲隋唐僕射之名聖天子  
更化而復秦漢左右之號繫稱謂之鼎正在注想之  
深勤房杜之能斷善謀惟深知而相濟姚宋之守文  
應變斯為治以同歸聿圖承助之賢協運燮調之化  
載颺新命式慰具瞻恭惟某官道得正傳天畀大任  
褒然為首洋洋晁董公孫之言懋哉惟時濟濟稷契  
臯陶之遜方爰立而置諸右於當今所捨其誰履富  
貴之途而素所行處功名之地以藏諸用聳岩石節  
彼南山之望列布衣嬾然上袞之榮對安輿而起居  
復見回班之禮扣閣門而闕白坐聞宜祿之呼故事  
一新師言昏慶某側聆異數喜溢叢衿雖溝渠無望  
於青雲然奴隸皆知其白日俸祿給於衣食將不忘  
數年列侯自見之恩冠劍拂其塵埃敢竊効三日待  
公奉酬之詠其為欣抃曷既敷陳

賀魏丞相啓

代

熊子復

伏審妙簡前旒嬾躋上袞論相為重久稽卜夢之求

得君既專亟峻鼎槐之用萬機有助百辟無譁竊以  
泰符相比於天階宰職共持於國柄官不必備或曠  
歲以久需人皆曰賢則崇朝而并拜仰稽昭代卓有  
宏模景德之缺位累旬始同除於寇畢熙寧之虛席  
數月方對任於王韓邈前後以罕聞亘古今而僅見  
恭惟平章僕射相公自天降任與世作程杖節申盟  
夷狄扣五原之塞揮毫演誥文章追三代之風逮登  
贊於經綸亦兼陪於宥密詠天保采薇之什克永圖  
較神爵甘露之年聿彰成績果膺教卜益副具瞻陳  
五利以和戎已繼家聲於絳絳子同一心而輔政更追

世績於弱翁庶臻復古之勳茂建格天之業是為希  
曠孰與為等論某自攝使於都畿乃為郎於省戶皆由  
恩紀未有報圖茲聆大號之揚實倍常情之喜萬間  
廣廈已幸庇於帡幪一氣洪鈞尚冀陶於垓圉

賀陳丞相啓

楊廷秀

登庸正人使宅次輔非難得宰相之位進賢則其國  
安不必問太平之基用公則其效敏天有所待世或  
未知恭惟某官續洙泗以後之淵源追唐虞未遠之  
人物動容貌以肅天下已皆趨風舉夷夏而直胸中  
了如觀火召來兩地亦既三年所揆愈大而合愈難

求去者堅而留者衆觀其守道之如許不付<sub>之</sub>大事  
而其誰用之小 遲是以國人懷不滿之意試之既  
効然後明主有必信之心右席久虛君子是荷宜有  
遠略用宏雋功治道無他正在一正君之妙學敵人  
易與終將九頓首於大庭某自知其迂敢速於告抱  
賈誼積薪之疏空有狂言哦少陵看鏡之詩真成半  
老獨特知己不虛此生北道之東洪鈞豈謂千齡之  
遇東閣之來衆彥未應一士之遺

賀右丞相啓

王宣子

伏審誕宣中制播告路朝褒言增袞繡之華進秩付  
魁衡之重凡居陶冶罔不忻愉伏惟某官嵩華並高  
淵泉含潤稽古之力純粹以精致君之心直方而大  
潛有上前之啓沃發為天下之輝光丙魏扶本始之  
隆姚宗翼開元之盛猶<sub>不</sub>之一體相待而成雖曰二人同  
歸於治果被都兪之命更升顯奕之階位冠疑丞功  
裨造化某屬分符竹難望履綦顧頌詠以何勤豈編  
摩之可究

賀范丞相啓

秦少游

光奉明恩進陞右弼伏惟慶慰恭以某官器兼文武  
學備天人出處係一時之安危議論為四海之輕重

臨大節而不奪雖小善之必為荀氏羣龍慈明為最  
河東諸鳳伯獲尤奇投閑散而問望愈隆涉憂患而  
精誠益壯果濟世美簡在上心昔執鴻樞既致干戈  
之戢今居端揆何難禮樂之興坦然眾正之路開行  
矣太平之責塞某叨分符節辱在陶鎔陪班謁以無  
緣第承風而竊禱

賀右丞相啓

孫益仲

伏審裒進台司誕揚顯冊天佑一德唯尹暨湯運際  
千齡生申及甫播紳昏悅黎獻交欣恭惟僕射相公  
清明冲澗剛毅沉塞親逢上聖服在邇途惟文昌萬

化之源上熙帝載而僕射百僚之長下竦民瞻果符  
夢賚之求亟正鈞衡之拜溉七年之旱方資傳說之  
霖噢十日之寒咸向趙衰之日治道清淨玉路坦平  
聖心仰成國勢增重某門牆舊物湖海餘生辱知感  
甚於脫驂聞命喜深於折屐衣雖敝而可改常叨起  
廢之恩冠已掛而莫彈但切歸榮之願

賀朱丞相啓

孫益仲

玉冊疇庸金甌獻卜老成人在位朝廷自尊大賢者  
得時善類交慶竊以履百年熙洽之運雖章句之儒  
坐守而有餘當九重宵旰之憂則聖哲之臣馳騫而

不足惟時用舍實繫安危故委重何啻於萬鈞而幾微不容於一髮視已陳之迹則因陋就寡烏足以有為建非常之言則駭衆驚愚亦難於慮始班君奇策尚謂平平耿侯大言猶為落落必盡破拘攣之議乃大收閎濶之功恭惟僕射相公巖巖社稷之臣挺挺帝王之輔爰屬艱危之寄首膺考謹之求深惟注意之隆寶預扶衰之義崧岳周邦之翰獨專神柄之雄龜蒙魯國之瞻益壯坤輿之重不動聲氣斷大事於笑談之頃不作聰明運沉幾於禍福之先稽古道而思其宜於今合衆謀而不必出諸已茲謂中興之佐

實為後事之師某頃備省曹嘗參文柄窺絕足以羣龍之庇仰高明於千佛之經顧畿疆有百舍之遙詎門牆無一日之雅側聆誕告益竦遐瞻屏迹窮閭顧莫下望塵之拜馳書東閣尚能修大事之恭

賀蔣丞相啓

洪景伯

伏審聖嗣簡求真儒柄用官不必備久當機務之煩人皆曰賢遂正鼎司之重仍併顯於宥密實盡付於經綸朝野具瞻華夏允賴竊以思民被堯舜之澤伊尹自任而不辭願我為管晏之功孟子當路而必恥惟輔相規摹之既大則朝廷氣象之一新恭惟僕射

樞密相公學擅儒宗才推王佐入踐鑿坡而素優於  
潤色首陪叢廟而備極於贊襄如崔相之除吏員既  
公薦舉若丙吉之按邊瑣亦預科條果登正於宰司  
用增光於祖烈況十事說天子早已見於責難則一  
代為宗臣即遂聞於專美某逖聆宣制猥絆乘輶阻  
陪賓客之趨曷勝寤寐之喜其如辭納莫盡意誠

賀朱丞相啓

張全忠

伏審大廷敷號舊弼登庸宿望昭宣慰蒼生之傾屬  
同心翊戴扶黃屋以尊安中外懽愉華夷覲服竊以  
九重旰食軫國步之迭遭四海疚心歎人謀之回適

急於赴功則攘臂以事兵力膠於應變則拱手以須  
天時類失厥中無益於治宜得魁壘豪傑之士以為  
經綸康濟之圖人固患於難知政莫先於任舊恭惟  
某官學窮道奧識探幾先德度恢宏撓汪汪之陂而  
不濁才猷敏達游恢恢之刃而有餘曩警蹕之時巡  
倚鈞衡而遠立一德始熙於帝載元凶遽亂於國經  
八柱承天即正高明之位五龍夾日灼知潛授之功  
扶顛談笑之餘遠引江湖之上謗書一篋何傷丹宸  
之深知細札十行旋趣鋒車之入覲通英晝訪宣室  
夜前袞衣綉裳既喜歸於姬旦命圭相印復加禮於

裴公固應展盡於遠猷豈復規圖於近效裕民積粟以固基本詎專兵力之強嘗瞻枕戈以修政刑亦戒天時之泥將見運籌帷幄以決勝於千里端委廟堂以為準於百僚沃心清燕之間拭目中興之盛某頃陞從橐嘗蒙慰薦之私比解藩符復忝交承之契仰止熒煌之座稱慶無階蕭然衰病之蹤依歸有所祇聞新命喜倍常情

賀右丞相啓

蒲大受

伏審中頒紫詔載涉黃扉登用舊人交修庶政維帝攸賚實民所瞻固有歡聲徧及率土恭惟某官望隆

柱石明照著龜以博通應變之才躋侍從於神考作新之日以夷險不回之操參弼諧於泰陵紹述之時出入三朝裁成百度欲踐繼志之實思聞補袞之言乃自江湖歸參帷幄尚謂密資於啓沃不若顯置於廟堂果敷綸言克協衆聽君陳申命必多告后之猷千秋既封必有富民之效某受知最久被德已深復以遲暮之年再託陶鈞之地適居符竹沮造門闌不勝燕雀賀厦之心竊有犬馬戀軒之志喜深載躍望極增馳

賀右丞相啓

周行可



聿膺顯制進拜懋官伏惟慶慰恭以某官碩德渾剛  
忠誠隱厚氣節堅乎金石功名著於鼎彝決應變之  
機上所敬憚講順流之法民以乂寧江湖疎疏道德之  
思藻秋明帝王之制邁我一德為時顯猷考諸朝野  
而有成功謀之士庶而無異論是推茂典以答元勳  
巖扉靚深袞服炳蔚式示具瞻之美足昭爰立之光  
某夙隸陶鎔遠聆贊拜終更甚適辰慶有時踴躍懦  
衷倍元萬常品

賀丞相兼樞使啓

毛伯穎

冕旒發悟頌渙汗於九門繡袞來歸總樞機於二府

協朝僉之素望壯邊瓊之威謀用君子為邦家之基  
進善人得天地之紀璽書誕告輿頌交欣竊以來龍  
御天聖主比隆於光武如魚有水元臣訂美於孔明  
照然信順之符盛矣明良之會昔虜騎襲淮壖之後  
屬鑿輿巡浙右之初封豕長蛇肆毒尚憑於牧圉城  
狐社鼠嘯凶忽起於蕭牆天步艱難人情睥睨強藩  
巨鎮莫敢誰何故老元臣更相歎息相公建義旗而  
糾合揮憤笏以激昂首倡大謀盡夷羣醜廓清氛祲  
再垂日月之光膺受寵榮大啓山河之誓方且念荆  
吳之形勢顧秦蜀之上游身踐戎行豈但櫛風而沐

兩心存王室每懷就日以望雲暴露五年憂勤一節  
 流言起於二叔愈見周公之忠年貌問於四夷難掩  
 裴度之用果膺綸命再踐鼎司舊壁壘而舊鼓旗得  
 臨淮而增重錫弓矢而錫鉄鉞褒踐土以加優不日  
 而成為天所贊恭惟某官柔惠且直昭明有融學窮  
 百氏之淵源文貫六經之矩矱含章以從王事許身  
 無愧於伊周達可謂之天民致主每期於堯舜議論  
 必稽於皇極經綸悉本於帝謨致廣大而盡精微獨  
 造真儒之效總方略而一壹統類乃凝哲輔之勲茲大  
 用於巖廊遂永清於海寓糾遯王憲既正藁街之誅

誕將天威遂通榆塞之阻戡夷多難耆定中區告九  
 廟之神靈還兩宮之警衛龍樓問寢盡三朝孝養之  
 歡鳳輦還都受四海貢輸之富增煥雲臺之象遂陪  
 日觀之封赫然近古以來未疇若我公之懿某周旋頌  
 舊擗扞勇實深桑榆雖迫於頽齡燕雀願栖於巨蔭彈  
 冠結綬尚陪光範之簪裾抱慙懷鉛庶給幾文昌之  
 筆札

賀丞相兼樞使啓

方雲翼

顯膺茂冊兼領鴻樞冕旒之眷寵深隆簪紱之觀瞻  
 益竦聲傳飛驛喜浹遐徼竊以三公之尊政無不統

二府之設職乃有分秉國鈞則務在平章處機庭則獨司宥密且文事武備之必有固宜合軍國之一權苟出將入相之可為孰若注安危之兩意恭惟僕射樞使相公天降大任道得正傳聳巖石而慰四海之瞻運洪鈞而為萬物之播汝作舟楫汝作霖雨顧所用之何如視若手足視若腹心本相須而無間以人主之職而論乎一相而天子之守在於四夷將資制敵之能得<sup>復</sup>昇本兵之重運籌決勝高祖謂不如張良惟斷成<sup>功</sup>憲宗乃能用裴度中興可待遠業攸歸某辱在下風欣聞成命屬處南州之地遽陪東閣之情且桃李無言緬想成蹊之舊燕雀至賤敢忘賀厦之情

賀吳樞使啓

汪彥章

光膺册命進陟樞庭謀若著龜投千載功名之會心如金石為兩朝社稷之臣當日月之繼明乘風雲而特起國須賢立天為時生恭必某官厚德鎮浮英才經遠以天地浩然之氣潛養於中於古今作者之文悉臻其表爰見踐揚之始每勤獻納之忠立朝未及於中年舉世推為於舊德昨屬殊鄰之擾上貽當宁之憂夕烽既徹於甘泉清蹕將遊於汾水唯公夙夜

與國存亡由侍從之周行決纂承之大計方獨處雷  
 霆之下有難言父子之間雖黃屋非帝王之心固宜  
 及此然逆鱗在神龍之頷誰敢撻之非二三秘策之  
 前陳使百萬精兵而奚益宜彼軍之喪氣知吾國之  
 有人委曲請明遠巡退舍九重根本得英公賢於長  
 城四海生靈微管仲吾其任社方主上清明之今日  
 寶邦家希之昌期欲眾賢同建於事功非雅望孰為  
 於師表將萬世維持之是賴何一時濟康之足言云  
 云

賀韓樞使表

汪彥章

光膺詔冊進涉機廷既廊廟之得人知朝廷之能國  
 恭惟某官清名藉甚雅望巋然四世五公門閥獨高  
 於天下十事九律計謀有補於國家徧揚清近之班  
 深結聖神之眷回翔滋久僉屬實勞惟豪傑之士無  
 待而興難稽經濟况公侯之家必復其始果被東求  
 某早辱誤知欣聞休命屬拘擊之印綬阻趨造於門牆  
 暑令清微政塗豐暇冀謹鼎茵之節永為宗社之休

賀呂樞使啓

歐陽永叔

顯膺寵典登進樞廷成命始行興言僉允伏惟某官  
 存誠直諫蹈道中和學臻三代之英世濟八人之美論

思獻納己多補益之勤謨明弼諧久韞經綸之業三  
朝眷遇一德老成尚虛黃閣之居姑正紫樞之位坐籌  
帷幄方資制勝之謀正席鈞台始慰具瞻之望顧惟  
哀朽早辱知憐維與蒼黔同深慶抃

賀王樞使啓

熊子復

伏審煥揚大冊晉擢真儒二柄對持極隆稱於宥府  
萬機獨運助英斷於嚴宸廟算一新郵傳四出竊以  
聖常求於該輔時罕建於元樞慶歷之佐或銳於圖  
功則必得杜正獻之矯亢皇祐之弼方權於濟務則  
亦有龐莊敏之鎮浮如洪河春漲而砥柱不搖若碧

漢夜闌而長庚有耀闕皆正機廷之使號旋更宰路之官  
儀我思古人復見今日恭惟樞使相公挺生曠代特  
立清朝渾渾無涯道極聖涯之遠堂堂不撓亦充邦  
棟之隆方游華禁則特達而徑遷及處峻廊則周旋  
而徧歷樞機周密既亮采而日嚴輔贊彌縫每含章  
而時發氣塞兩儀而直養無害智周庶彙而曲成不  
遺姑首贊於籌帷即平遷於而揆席某早窺崇佞晚托洪  
鈞固知弗為管晏之功將盡行於所學况已屢陳堯  
舜之道尚親見於此時

賀虞樞使啓

耿元鼎

伏審貂璫趣道歷坤維萬里之長衮綉還朝陟乾道  
元樞之貴眷威名之特盛加體貌以惟隆斷由當寧  
之心喜動在廷之色邊陲加肅廟社增榮竊以九  
知人莫難乎三事大夫之選五岳總務尤重乎六卿  
司馬之權必有其抱經緯之全材乃可注安危之兩意  
況人主職論一相於以簡當軸之賢而天子守在四  
夷所覬獲樞戈之慶苟非宿望曷副疇咨僉言我公  
傑立當世諒惟歡慰恭以樞使相公先生勲高一代  
名震萬方容止可觀所謂大臣者謀猷必告豈曰小  
補哉存楊英雋之躔自結顯印之睠取武成二三策志

清中原得結輩十數公天降大任擢自詞林之妙參  
陪法從之華督府揮犀嘆夷吾於江左留都典鑰仰  
蕭何於闕中丹青旋憶於老臣閭闔再朝於黃道至  
每為絳侯而目送謂不為臯陶為己憂方欣要路之  
登已遂急流之退重輕所繫難稽謝傅於東山安否  
何如即訪裴公於西雒君從綠野超拜洪樞既夙夜  
以在公亦朝夕而納誨漢高決勝千里獨子房參帷  
帷之謀舜帝有臣五人惟伯禹荷股肱之託嗣聽絲  
言之出會觀鼎足之承永慰具瞻共觀爰立某早登  
崇儼竊拜下風列屬憲臺聿密承於警款備員帥幕

更叨被於陶鎔當盛事之播聞欲中宵而起舞凡骨  
念當家之鼠不隨雞犬以昇天後時慙失旦之雞方  
效燕雀之賀厦如其欣悚莫救敷陳

賀虞樞使啓

孫正之

伏審上心圖舊中詔疏恩趣駕鋒車擢冠樞省豐財  
裕國不在茲乎偃革安邊自今始矣恭惟某官千齡  
間出一旦親逢富貴初非本心功名蓋其餘事明白  
洞達濁涇貫清渭不可涅而緇碩大剛方長劍倚太  
行不待扶而直璽書屢及門而躊躇四顧使軺促就  
道而俯僂三辭道之將興歟當仁不讓天之未喪也  
舍我其誰勉應側席之求亟正元樞之拜大安國步  
護諸將於爪牙之雄遠憺王靈制百蠻為股掌之上  
某空嗟大耋莫睹高明比貢蕪詞獨蒙哀借側聆誕  
告尤激懼悚東閣加招顧已孤於榮願南山高仰猶  
獲預於遐瞻欣抃之私占陳曷既

賀王樞使啓

馬子才

誕告明廷延登近弼運籌決勝久分疆場之憂當軸  
處中遂正廟堂之位折衝雖舊注意惟新恭以某官  
稟氣雄剛受材英特任心膺一爪牙之寄積旗常鼎  
鼐之勳惟文武以兼資故君臣而默契昨屬羽書之

急親煩幕府之行軍容一陳士氣百倍珍萬里憑陵  
之寇安兩淮震擾之民累歲賢勞蠶虱幾生於甲冑  
一朝醲賞貂蟬果出於兜鍪某早託餘光欣聞異數  
偶左府之拘綴阻東閣之進趨暑令方新政塗多暇  
冀謹寢饗之節用敷承旒宸之休

賀徐樞使啓

李粹伯

光膺寵命入東鴻樞廊廟自高有人豪之在位縉紳  
相語喜君子之得時某官學通天人氣沮金石議論  
文章動臻乎意表死生禍福不入於胸中兒曹知白  
日之清明學者愧介邱之迤邐帝於裴度寄天下之  
安危人以謝安卜國家之隆替果陪光輔寶久具瞻  
某久屬誤知欣聞休命屬守符之拘綴阻賓閣之進  
趨詠頌徒深敷陳罔既

賀秦樞使啓

汪彥章

顯膺綸綍峻陟機廷唯賢哲之奮庸寶廟堂之增重  
庇麻所建鼓舞攸均竊以北斗冠乎樞纏垂諸天象  
夏官總乎兵政著彼國經當公朝閑暇之辰居右府  
近密之地仰禕至治允屬英髦恭惟某官智略淵深  
神丰岳聳瑞聖時而間出鍾賢以挺生較藝棘圍素  
號人中之傑標名桂籍果先天下之儒爰簡清衷亟



躋華貫掌書秘府典禮奉常翰苑揮毫妙極辭章之  
選通英進讀益加體貌之隆繫經綸之宏才宜文武  
之兼用延登帷幄式贊鈞衡方君臣慶千載之斯而  
父子有同時之遇誠為盛事竄絕前聞某側聽郵音  
限居官守想熒煌之座徒劇觀瞻託塊坵之鈞愈深  
踴躍永言頌詠昌聲摩

賀王樞使啓

王介甫

璇璣上列齊七政以均和帝袞輔成欽四鄰之基命  
親逢華旦允屬宗工恭惟某官興國忠純爽邦明哲  
對越光華之旦居然文雅之宗簡在上心鬱為時棟  
壘容禁闥嘗密贊於睿謀參貳宰司多委成於治體  
奮庸甚盛注意特隆屬恩詔之誕頒分鎮臨之重寄  
居留神甸為表則於四方寵進樞廷當折衝於萬里  
聲教所暨慶抃率同某俯念空疏夙叨存記縮縣章而  
祗級卻望君幄以勞懷共聽吉音豈勝至願

賀富樞使啓

毛伯穎

伏審進圖舊德入正洪樞威動殊方慶交多士恭以  
某官智周事表覺動民先卷舒兼文武之謀猷出處  
格古今之事業盡性之學濬游夏之淵源致主之功  
軌夔龍之軌躅誇讒並起而不失乎正夷險薦更而

愈見其賢召自江湖進陪軒陛仰迪光明之學密資  
弼亮之謨與其置諸勸講帷幄之間曷若登於折衝  
廟朝之上具瞻攸在睿眷弗違有韓棣華並調金鼎  
紹八元之逸駕冠二府於同時蓋惟不世之異人宜  
錫非常之殊寵益隆勲德永載彝常某猥以頑冥夙  
知遇沉疴疲蕭方甘蓬艾之窮居顯渥便蕃增賁桑  
榆之暮景悵門牆之阻遠跼鑿寢以增勞忽聽召除  
果符輿頌奮起已疲之力願効指蹤圖惟未報之恩  
更期畢命永言欣幸實倍等夷

賀吳樞使啓

葛魯卿

恩霈中宸榮登四府朝廷增重寰宇交歡竊惟宥密  
之司實領幾微之務總理軍政緝熙帝猷鑿斗運而  
當樞佐文事而尚武中資廟算外濯王靈宜得真儒  
來副異選非有經綸之望曷膺寤寐之求恭惟某官  
性稟<sup>明</sup>誠學該微妙言為邦之興替身任道之汙隆文  
章百世之宗師風采三朝之元老千齡際運會堯舜  
之君臣一體同榮迺機允之兄弟優承睿眷密贊兵  
機即展秘於龍韜自收勲於麟閣國勢永依於柱石  
民心方庇於陶鎔暫執鴻權<sup>區</sup>即居元宰某限拘文禁  
莫展慶儀徒埽舍人之門阻侍先生之席心同賀燕

仰窺大廈之成志於躍金正倚洪鑪之造其為拈詠  
實倍等夷

戊辰十月十九日檢

聖宋名賢五百家播芳大全文粹卷八

賀葛知院除右丞相啟

陳安行

右府五兵之本夙倚壯猷中台萬化之元聳聞真拜  
舉窟穴黎元之衆洎措紳韋布之流久矣具瞻茲焉  
起舞恭惟 特進大丞相先生圭璧無瑕之器棟梁  
特異之材智周事物而躬好問之誠才裕經綸而無  
滿假之志蚤蜚英於清切旋闊步於禁嚴秋官之總  
祥刑民以無犯春宮之位端尹道斯可尊從容辰告  
之猷密勿廟前之席遂登丞弼妙贊幾微經武整軍  
於間假之時圖事撥策於笑譚之頃孰相公朝之初  
政無踰舊學之元臣方將彙進人才以興起治功厚

培邦本以惠綏遐邇邊防必責實而刻具文之弊吏  
治必核真而革滋偽之姦蓋平時抱負之傑然故今  
日設施之易耳導以經術陋漢帝之禮望之格于皇  
天如成湯之學伊尹某疎庸一介葺陋衆人念黃緣  
蒙特達之知凡進用率提撕之力茲化鈞之廣播諒  
鑛質之無遺鸞鳳冲霄正爾仰成於忠力燕雀賀厦  
豈惟永戴於旃幪依嚮采勤敷陳莫既